

तस्मात्प्रजोत्तरा देवयज्या ॥ ३१ ॥ तदस्माऽएतत्पशूनेव परोऽक्षमाशास्ते । यस्य हि पशवो भवन्ति स पूर्वमिद्वयापरं यजते ॥ ३२ ॥ भूयसि हविष्करणऽउपहृत इति । तदस्मा एतज्जीवातुमेव परोऽक्षमाशास्ते जीवन्ति पूर्वमिद्वया भूयो-भूय एव हविष्करोति ॥ ३३ ॥ तदस्माऽएतत्प्रजामेव परोऽक्षमाशास्ते । यस्य हि प्रजा भवत्येक आत्मना भवत्यथोत दशधा प्रजया हविष्क्रियते तस्मात्प्रजा भूयो हविष्करणम् ॥ ३४ ॥ तदस्मा एतत्पशूनेव परोऽक्षमाशास्ते । यस्य हि पशवो भवन्ति स पूर्वमिद्वया भूयो-भूय एव हविष्करोति ॥ ३५ ॥ एषा वा आशीः । जीवियं प्रजा मे स्याद्द्वियं गह्वियमिति तद्यत्पशूनाशास्ते तद्वियमाशास्ते श्रीर्हि पशवस्तदेताभ्यामेवैतदाशीर्भ्याऽसर्वमाप्तं तस्माद्वाऽएतेऽअत्र द्वेऽआशिषौ क्रियेते ॥ ३६ ॥ देवामऽइदुऽहविर्जुषन्तामिति । तस्मिन्नुपहृत इति तद्यज्ञस्यैवैतत्समृद्धिमाशास्ते यद्धि देवा हविर्जुषन्ते तेन हि महज्जयति तस्मादाह जुषन्तामिति ॥ ३७ ॥ ॥ शतम् ७०० ॥ ॥ तां वै प्राश्नत्येव । नाग्नौ जुह्वति पशवो वाऽइडा नेत्पशूनग्नौ प्रवृणजामिति तस्मान्नाग्नौ जुह्वति ॥ ३८ ॥ प्राणेष्वेव हूयते । होतरि तद्यज्ञमाने तद्धैर्यो तदथ यत्पूर्वार्धं पुरोडाशस्य प्रशीर्य पुरस्ताद्ध्रुवायै निदधाति यजमानो वै ध्रुवा तद्यज्ञमानस्य प्राशितं भवत्यथ यत्प्रत्यक्षं न प्राश्नाति नेदसऽस्थिते यज्ञे प्राश्नानीत्येतदेवास्य प्राशितं भवति सर्वे प्राश्नन्ति सर्वेषु मे कृतासदिति पञ्च प्राश्नन्ति पशवो वाऽइडा पाङ्गा वै पशवस्तस्मात्पञ्च प्राश्नन्ति ॥ ३९ ॥ अथ यत्र प्रतिपद्यते । तच्चतुर्धा पुरोडाशं कृत्वा बर्हिषदं करोति तदत्र पितॄणां भाजनेन चतस्रो वाऽअवान्तरदिशोऽवान्तरदिशो वै पितरस्तस्माच्चतुर्धा पुरोडाशं कृत्वा बर्हिषदं करोति ॥ ४० ॥ अथ यत्राहोपहृते द्यावापृथिवीऽइति । तदग्नीधऽआदधाति तदग्नीत्प्राश्नात्युपहृता पृथिवी मातोप मां पृथिवी माता हूयतामग्निरग्नीध्रात्स्वाहोपहृतो द्यौष्पितोप मां द्यौष्पिता हूयतामग्निरग्नीध्रात्स्वाहेति द्यावापृथिव्यो वा